

*Hæmorrhæus Ægypti*, neque mihi notus. Luc. *Ib.*  
Qui facit ut hæmorrhagiâ omnis sanguis effluat.

*Bufo* : *Faun. Suec.* 255. Dùm agitur, eicit è verrucis corporis sanie lacteam, quæ venenatissima. Vidi indè caput canis intumuisse. Miles Suecus qui manu nudâ cepit Bufonem, indè manus lacte perfusa, et indè hectica lethalis. *Vide apud Collb. in suis Observationibus.*

Quadrupedia et Aves vix novi venenatas.

*Rajæ Pastinacæ* aculeus venenatus, Ulyssis morte infamis. Tibi magis notus, quam mihi, cum apud nos exoticus piscis.

*Ostracion Largocephalus*. *Syst. Nat.*, 6, p. 42, n° 15. *Art. Gen.* 58, n° 15, quem horrent omnes Sinenses, et si edatur, asserunt absolutè esse lethalem.

*Trachinus Draco*, *Faun. Suec.*, 282, radiis primæ pinne dorsalis vulnerat sæpè apud nos piscatores, undè intumescit manus, brachium, et sæpè in sphacelum lethalem transit.

*Pulex caudâ furcatâ* : *Sloan. Jam.* 2, p. 191, *introd.* cxxv. *Catesb.*, vol. 3. Introit tibias sæpè Americanorum, undè intumescencia et inflammatio horrenda, in ulcera cachætica, vel sæpè gangrænam transiens.

*Caneros* venenatos in Indiâ dari, vide *Rumphii Musæum*.